

Helpwch ni i fod yn ariannwr mwy cynhwysol

16/12/2021



Dawnsyr yn cymryd rhan ym mhrosiect Dadeni Bhangra yn Kirklees
Rydym yn gwneud gwaith ymchwil i sicrhau mynediad teg a chyfartal i'n cyllid.

Gwyddom fod grwpiau nad ydynt yn cael eu gwasanaethu'n dda ar hyn o bryd gan ein cyllid. Dyna pam yr ydym yn comisiynu ymchwil annibynnol i ddarganfod beth y gallwn ei wneud i ddarparu mynediad tecach a gwell cefnogaeth.

Rydyn ni'n dymuno i amrywiaeth eang o bobl gyfrannu at yr ymchwil a rhannu eu meddyliau a'u profiadau.

[Cofrestrwch i gymryd rhan yn yr ymchwil.](#)

Y dyddiad cau i gofrestru yw **dydd Gwener 11 Chwefror**.

Pwy all gymryd rhan yn yr ymchwil?

Hoffem glywed gennych os yw eich sefydliad yn cael ei arwain gan neu'n gweithio gyda:

- pobl o gymunedau ethnig a diwylliannol amrywiol
- pobl anabl
- pobl LGBTQ+

- pobl ifanc
- pobl o gefndiroedd economaidd-gymdeithasol isel

Mae gennym ddiddordeb arbennig mewn clywed gan sefydliadau a grwpiau nad ydynt wedi gwneud cais i ni am gyllid o'r blaen.

Mae gennym ddiddordeb mewn clywed am **eich canfyddiad** o dreftadaeth a sut rydych chi'n meddwl y gall fod o fudd i bobl a lleoedd lleol – hyd yn oed os nad treftadaeth yw canolbwynt eich gwaith. Er enghraifft, efallai y bydd eich ffocws ar waith cymunedol neu gymdeithasol, gweithgareddau iechyd a llesiant, cyfleoedd hyfforddi a datblygu neu raglenni ieuenctid, mentrau celfyddydau a diwylliant, cadwraeth neu gynaliadwyedd.

Nid oes angen i chi fod yn gweithio ym maes treftadaeth i gymryd rhan.

Rydym am glywed gan sefydliadau yng **Nghymru, Lloegr, yr Alban a Gogledd Iwerddon**.

Sut cynhelir yr ymchwil?

Rydym wedi comisiynu'r Ymgynghoriaeth Buddsoddi Cymdeithasol (TSIC) i gynnal yr ymchwil. Bydd aelod o dîm ymchwil TSIC yn cynnal cyfweiliad byr (ar-lein neu dros y ffôn) gyda phawb sy'n cymryd rhan.

Bydd yr holl gyfranogwyr ymchwil yn cael eu had-dalu am eu hamser. Darperir rhagor o fanylion os cewch eich gwahodd i gyfweiliad.

Cofrestrwch eich diddordeb

Os oes gennych ddiddordeb mewn cymryd rhan, cofrestrwch eich manylion ar y [ffurflen fer](#) yma. Byddwn hefyd yn gofyn ychydig o gwestiynau am eich gwaith.

Bydd eich data yn cael ei brosesu yn unol â deddfwriaeth GDPR gan TSIC ac ni fydd yn cael ei rannu â thrydydd partiön.

Os oes gennych unrhyw ymholiadau am yr ymchwil neu os na allwch gwblhau'r arolwg, cysylltwch â Rheolwr Mewnwelediad y Gronfa Treftadaeth, Vanessa Moore, drwy e-bost:

Vanessa.Moore@heritagefund.org.uk.

Beth fydd yn digwydd i ganfyddiadau'r ymchwil?

Bydd yr ymchwil yn ein cynorthwyo i **ddiffinio** a **llywio** ein camau gweithredu yn y dyfodol. Bydd yn ein helpu i nodi'r camau nesaf y mae angen i ni eu cymryd i ymgorffori arferion cynhwysol ar draws pob rhan o'n sefydliad.

Byddwn yn rhoi'r wybodaeth ddiweddaraf i'r holl gyfranwyr am ganfyddiadau'r ymchwil pan fydd wedi'i chwblhau.

Ein hymrwymiad i gynhwysiant

Rydym yn nodi ymrwymiad clir i gynhwysiant yn ein [Fframwaith Ariannu Strategol 2019-2024](#). Mae cynhwysiant – "[cynnwys ystod ehangach o bobl](#)" – yn ganlyniad gorfodol i'r holl brosiectau rydym yn eu hariannu.

Gwnaethom gyhoeddi canfyddiadau [Cam 1 ein Hadolygiad Cydraddoldeb, Amrywiaeth a Chynhwysiant](#) yn 2021, ac rydym eisoes yn gweithio ar y camau a argymhellwyd.

Efallai y bydd gennych chi ddiddordeb hefyd mewn ...

Publications

Sut y gall y Gronfa Treftadaeth fod yn fwy cynhwysol o grwpiau heb gynrychiolaeth ddigonol?

Gwnaethom gomisiynu ymchwil annibynnol i ddeall canfyddiadau o'n dull o ymdrin â chydaddoldeb, amrywiaeth a chynhwysiant, a rhwystrau i gael mynediad at ein cyllid.

Merched ifanc ym mhrosiect treftadaeth naturiol SHEROES. Credyd: Wayfinding

Hub

Treftadaeth gynhwysol

Mae cynhwysiant yn ymwneud â chymryd camau i sicrhau bod cymdeithas gyfoes yn y DU yn cael ei chynrychioli'n well yn eich prosiect treftadaeth.

Publications

Adroddiad yr Adolygiad Cydraddoldeb, Amrywiaeth a Chynhwysiant

Gan Maria Adebowale-Schwarte, Cadeirydd Tasglu Adolygiad Cydraddoldeb, Cynhwysiant, Amrywiaeth ac Ymddiriedolwr yng Nghronfa Treftadaeth y Loteri Genedlaethol